

叢書集成三編 第二二冊目錄

社會科學類



戰術

海運摘鈔八卷·····	明	不著編人·····	明季遼事	〇廿一〇〇一
戊笈談兵十卷（原缺卷十）首一卷·····	清	汪紱撰·····	汪雙池中研所	〇廿一〇一八七
補校錄一卷·····	清	戴彭撰·····	汪雙池中研所	〇廿一〇六四一
四翼附編四卷·····	清	戴彭撰·····	汪雙池中研所	〇廿一〇六四一
奇門遁甲啓悟一卷·····	清	朱榮燦撰·····	汪雙池中研所	〇廿一〇六四一


家庭教育

家庭美德不分卷·····	陳鏡伊輯·····	道德東海	〇廿一〇六四七
孝史不分卷·····	陳鏡伊輯·····	道德東海	〇廿一〇六八三

兒童教育

古本蒙求三卷·····	晉	瀚撰·····	佚存	〇廿一〇七〇九
張子正蒙二卷（又名：正蒙）·····	宋	載撰 朱熹註解·····	張子	〇廿一〇七八三

海運摘鈔



滿日文化
協會印行

海運摘鈔

海運摘鈔卷一

山東等處提刑按察司整飭登州海防總理海運兼管登萊兵巡屯田道副使陶 為備買兵馬料草以濟急用事萬曆四十六年十二月初七日蒙

欽差巡撫山東等處地方督理營田提督軍務都察院右副都御史李 案驗本月初三日准

欽差總督薊遼保定等處軍務兼理糧餉經畧禦倭兵部左侍郎兼都察院右僉都御史汪 咨准

欽差巡撫遼東地方贊理軍務兼管備倭都察院右僉都御史周 咨前事等因備案仰本道即便移

文布政司會同萊州道酌議量動原派地畝銀兩若干行令所屬附近府州縣趁今冬月收買黑豆草束

買完其價銀及腳價不妨從寬議給務使百姓免虧價轉輸之苦待春初風和即於海運至遼接濟軍需

其前項草豆文到之日一面行令所屬先發堪動銀兩收買完日暫運何處寄放責令的當人役看守明

春轉運應用何船每船計裝若干該用腳費若干逐一從長酌議妥確作速具由呈詳前來以憑咨會施行

案此本年十二月十二日入准布政司照會抄蒙

山東督撫軍門李 案驗准

督督薊遼都院汪 咨准
遼東巡撫都御史周 咨同前事等因備准照會到

道准此行據登州府署印推官李士高呈稱遵奉原
行查看得登州府僻處海隅萬山相連刀耕火種中
人之產不過三五畝其平曠而坦闊者則卑濕斥
鹵不任稼穡者也芻草之所產甚微且炊薪若桂牧
馬如羊即有些須民間自給不肯上納其置買之難
一也今奉

明文即拘鄉約公直議得草一束重十斤值錢一十
五文價亦不多但歷涉風波二三千里大船所載不
過五百束小者不過二百束便無容足之地矣前議
運米脚價載六七百石者脚價至百餘兩二三三百石
者亦不下三五十兩今照運米脚價給之草五百束
不過值銀七八兩而費百金運之此萬萬不通之理

運一

若減其脚價則前日運糧船回猶有踵門而泣訴苦
累者今減價而差之有掉臂去耳其搬運之難二也
再查料豆登州亦不多產萊陽福山等處地稍平多
種稻麥黃縣等處多植高粱黍黍惟文登產豆色黃
者其性熟馬食之則生癰疥而瘦死惟黑者宜然文
登彈丸之地多不過五十石少不過二三十石便盡
民間之儲積矣况糴買價銀議於加派新餉銀內動
支查得新餉本府已先措處差主簿湯樹績起解矣
其餘徵收本色候來春遼運蓬萊等縣各報米三四
千石或六七千石積貯海口於二三月開洋再無勘
動銀兩可以糴買其黑豆每倉斗一石價銀二錢五
分銀一千兩可買四千石乞另批發卑職代庖守土

仰奉

明文敢不念遼左之急事在燃眉竭力躊躇期於共
濟但登州大荒之後雖稍豐稔公帑若掃民無蓋藏
既苦無米之炊又無鬼運之術誠恐竭澤漁之憂不
在遼左而在蕭牆之內矣及查往年征倭事例亦無
運草之說再集故老船戶博訪衆議僉謂運草須船
則所載者少而所費者多勢必不行若取之筏運必
得大木數千章而登州諸山光潔如楮拱把之木費
銀三四錢亦必不得之數也况歷涉諸島有礁石壁
上如闕道者糧船稍大尚費搬撥而以廣闊之草筏
能有濟乎事在難行懇為轉達惟是料豆雖所產不
多候詳允之日行各州縣盡力糴買不拘多寡隨米

運一

運遼接濟軍前庶軍民兩不困也等因又據萊州府
署印推官段國璋呈稱該本府奉文查看得軍興須
馬飼馬須草豆况遼左正當剝膚燃眉之際登萊亦
屬唇齒輔車之邦凡遼左之仰給於二東者敢不效
纓冠之誼矢同舟之力哉但以理勢論之草似斷乎
不能運者每大船一隻裝草不過四五百束每草一
束重十斤值銀不過一分四五厘前議運糧脚價每
大船一隻裝米五百石脚價銀一百兩此外如陸路
脚價押運官工食等項尚有許多費用今以運米之
船價運草則是以七八兩之草價而反費百兩之船
價必無此理况陸運等費又有不可少者乎若減運
米之脚價彼船戶謂同一用船裝載同一涉險往來

必不肯貶其價為我用也又況船體長而狹窄勢必
層累而積其崇如壩海中颶風時起上重下輕船必
傾側損船傷人尚多意外之虞又勿論費價之多寡
也況先年征倭事例止運糧餉未運草束若使可運
當年已行之矣至於黑豆菜屬土宜多種黃豆黑豆
雖有然不甚廣且新派加增餉銀原文每畝加銀二
厘五毫各州縣地有肥瘠荒熟之不同正在斟酌議
派未有徵貲見銀本府多方搜括業已湊處銀五千
兩差官抵解新增遼餉去訖此外更無別項銀兩可
以借用買豆今或令各州縣徵收本色內八分納米
二分納豆或候另發銀兩分散各處照依時價隨集
收買總惟上裁等因各呈到道據此除分守萊州道

運一

四

適報陞任已離地方未准會議今據兩府議呈前來
該本道看得海運餉遼中外持議大槩仿征倭事例
也然以本道論之苟可以佐邊儲而襄捷伐之役凡
為臣子當靡愛頂踵死生以之何拘事例之有無哉
乃征倭海運從登州達彌串堡所運糧餉歲不下二
十萬石而卒未有以馬草應者不但本地之出產有
限實以海上之裝運良難誠如兩府之所查議也况
以每束價止一分四五厘之物而費十餘倍之價以
運之既屬非策且費十餘倍之價而船運不可筏運
不能究竟至於不得到遼則事勢有所難強而人力
有所難施末如之何矣此草之斷斷不能供命者也
惟運豆一節遼之需濟誠登萊業已運米何難運

豆見今收有黃豆以待運又奚獨於黑豆而辭之惟
是登萊兩郡豆原不多而黑豆尤少登府稱黃者病
馬不宜充料黑者宜馬乃可濟遼如以宜馬之故必
欲以黑豆為運勢將糴之濟青兩府之間則道路迂
迴山河跋涉未經裝載入船而本地之腳費且浮於
豆價再加以船運之費是豆價反多於米價遼左雖
曰需豆恐彼中本地之收糴未必若是之多費也竊
謂為今之計莫若以見在之黃黑豆一面同米發運
以聽遼左之收受如將來專責登萊以馬料勢必不
能奔命耳緣係奉行的議事理本道未敢擅專擬合
呈請為此今將前項緣由理合具呈伏乞
照詳施行

運一

五

一呈 軍門

一牒 布政司

一手本

萊州道

萬曆四十六年十二月二十二日

二

山東等處提刑按察司整飭登州海防總理海運兼
管登萊兵巡屯田道副使陶 為仰遵

明旨酌議海運事宜懇乞

聖明俯賜採擇以安內地以重軍需事據登州府呈
稱萬曆四十七年正月十五日蒙本道憲牌前事照
得本道奉文轉餉濟遼登萊一帶缺乏船隻頭運業
已奏雇客商及塘頭船隻發運去訖目今春和又當
二運所需糧船無從雇募勢不容已雇之淮上彼地

又以不奉

明旨不肯撥發已該本道議詳

軍門允於登州府庫大曠民屯二項銀內動支三千兩選給文登縣主簿徐弘諫前往南直地方打造遼船應用又因本官向年救荒往來海運熟識海上風角並委督押運遼糧官管轄海船赴蓋州套交卸即今諸事未竣而本官申稱蒙

吏部推陞陝西永壽縣縣丞乞准解事以赴新任等情據此為照本官既委南方造船兼督押運錢糧責任諸務在身今雖轉官似難擅離合行查議為此等因仰府從長酌議文登主簿徐弘諫見委遼運軍糧隔省造船提押航海夫匠錢糧一切重務全無就緒

運一

六

應否請以新街仍管舊事以便責成作速酌妥具由詳道以憑覆議轉呈

兩院定奪施行蒙此遵依看得主簿徐弘諫既有新街難管舊事但

國家用人因事擇官非因官廢事也况遼左軍興蟻聚蜂屯需糧最緊飛輓粟需船最急今覓之本地既苦商賈之不通雇之淮安又恐秦越之相視則打造船隻亦勢之不得不然者本官技藝多算幹理有方即在異地猶當取來委用况在本屬獨不可留之以效馳驅也合宜咨

部查有登州府屬縣丞員缺准其改補所遺新街另行選用庶人與地兩相宜而兵與食兩相濟矣緣由

具呈到道據此該本道看得遼運一事以數十餘萬軍糈臨不測之淵熟諳擔當誠難其人兼造船一節遠赴隔省一應夫匠錢糧並航海人役非素所習慣而信服者尤難猝辦主簿徐弘諫久諳海務實膺此委今登萊方藉乎輓輸而秦中遼膺於新轉况未結軍務尚需完局而粘帶錢穀難委異人既經該府酌議前來似應准從上請

本院合無軫念遼兵待餉運事孔艱俯將本官移咨吏部查有山東登州府屬縣丞員缺就近改補兼督轉運遺下陝西新陞職銜另行銓選庶登萊輪輓得人而遼鎮兵食亦裕矣本道未敢擅便擬合呈請為此今將前項緣由理合具呈伏乞

運一

照詳施行

一呈 撫兩院

萬曆四十七年正月十八日

三

欽差整飭登州海防總理海運兼管登萊兵巡屯田道山東等處提刑按察司副使陶 為置立船號腰牌以防夾帶事照得海運初開帆槳四集所雇船隻皆五方烏合之衆其應募而來也急公好義圖赴功名之會者固有之中欲乘此射利蠶逐蠅蠹者不少也今奉

院咨文念其船價輕微許令量帶民用貨物恐奸民乘機不惟興販禁物且思携帶逃亡勾引奸細為害

不小除前有原行船有號旗外合倣兵制船分字號人給腰牌如無此牌即係奸商合發格式刊布懸掛以便盤詰為此牌仰本府官吏照牌事理即將發去船號字樣照依編號其腰牌格式該府責令善書人役寫完翻刻查照運船船戶舵工水手如數印刷類送本道以憑印發分給各役懸帶運糧以備稽查施行毋得違錯未便須至牌者

一牌行登萊兩府并旅順營文守備

一移會 海蓋道

萬曆四十七年正月二十二日

四

欽差整飭登州海防總理海運兼管登萊兵巡屯田

運一

道山東等處提刑按察司副使陶 為仰遵

明旨酌議海運事宜懇乞

聖明俯賜采擇以安內地以重軍需事今將登萊兩

府海運規則揭示曉諭以便遵守須至示者

計開

一登州府所屬州縣除棲霞縣山僻免運外其

餘州縣俱近海口諸凡搬運出洋等務俱無

險阻故議運至蓋州套為止

一萊州府所屬州縣除高密縣離海遠免運

外其餘州縣俱不近海口內地搬運既難惟

膠州稍近海口而從內地出自外洋一路俱

有險阻故議運至三損卡為止今以

北信口

一登州船價頭運至蓋州套者每石原止一錢五分今憐其守候日久且海路艱難每石量加二分共每石一錢七分兵船半給

一萊州船價初議亦到蓋州套交卸故價亦照登州每石一錢七分今因蓋州套窄小恐船

多難泊又因萊屬州縣內海難行改議於三損牛交卸出海既近船價亦應量減每石減

二分計每石實給銀一錢五分兵船半給改於北信口交卸每石亦一錢七分

一運糧船價登萊兩府各有定規登州糧必以到蓋州套交卸為完萊州糧必以到三損牛

運一

交卸為完如有阻淺閣漏不到交卸之處者

該府仍酌量扣其船價以給代剥之船月二十日改北信口卸

一每糧一石給鋪墊銀一分兵船半給

一神福原議每大船一隻賞銀一兩中船一隻

賞銀六錢更有共小漁船不能載二百石者

聽該府量為減除兵船每隻賞銀五分

一運船俱令押運官親自驗看回報堪用方令

載糧其有散壞漏濕等失者責押運官賠償

有不遵約束當泊不泊當行不行致糧有損

傷者船戶賠償有將好船應雇而臨時易換

舊船者雇押等官不舉有失雇押等官

賠賞究

罪雇押官已舉著落保人及本船戶賠償追究

一登萊兩府各發口袋二千五百條以備到遼搬運之用給運糧千總收掌聽其分發

一每府設千總二員總理運事把總隨時增減不定員數取其分押快使也

一每千總一員月給廩紅銀五兩隨帶書識家丁四名每名月給工食銀九錢每把總一員月給廩紅銀四兩隨帶書識家丁二名每名月給工食銀九錢每府設船上看糧夫一百名如大船糧多每船二名如小船糧少止用一名如兵船有捕盜可託漁船有船戶可託

運一

即不用看糧夫役總之衆多益寡不得出百名之外其看糧夫俱著押運官自選熟識殷實之人報名驗用每名亦月給工食銀九錢如押運官係見任把哨呈請帶有部下兵健者亦准算作書識數內既領有兵糧不得又領雇價如有不經稟明私自隨帶者查出員役一體究革

一糧船每船給有長單開載船糧數目船役姓名並本船雇價以便赴遼查盤交卸

一運糧人役除沙唬等船捕舵什兵原有腰牌免給外其商民船戶及舵工水手各給印信腰牌懸帶過遼以便彼中關津盤詰以防此

地夾帶奸細船有大小人役有多寡俱著押運官據實開報該府酌量增減將應給腰牌呈道請印掛發毋容運官通同作弊假捏姓名預領空牌希圖夾帶逃亡人口查出運官以軍法重治

一凡糧船發行該府海防廳親詣海口查點盤驗各船無弊方准開洋並聽

備倭總鎮移駐礮礮等處嚴加稽防夾帶禁物逃亡等項有犯拿究決不輕宥

一出示并發登萊兩府暨運糧千把總等官

萬曆四十七年二月初四日告示

運一

五

欽差整飭登州海防總理海運兼管登萊兵巡屯田道山東等處提刑按察司副使陶 為急請多餉以濟危邊事萬曆四十七年二月十一日蒙

欽差巡撫山東等處地方督理營田提督軍務都察院右副都御史李 業驗本月初七日准

戶部咨山東清吏司案呈奉

本部送准

遼東撫院揭准

經畧咨稱分派各道買辦糧草俱未及半時值春融冰雪漸消師期日迫此何等時也萬難延緩除一面按數嚴行各道勒限分頭催比外備咨前來希印一

體嚴行催併庶糧草早完進勒有賴而蕩平可期矣等因正月二十三日又據開原道兵備僉事潘宗顏呈為召買本色事職前往還鐵嶺一路居民百十成羣或三五十為夥無論五六十起紛紛遮告泣稱草豆尋買不出地方所產已盡兼稱春種俱絕見今各民糊口無粒哀號撤價等情職睹之不勝心酸神悸亦泣諭諸民軍

國大事萬不得已之情諸民惟有前後遮號以頭撞地而已職查得開鐵一線東西止五六十里三堡殘破之後屯寨稀若晨星況援兵久居食用至今委實將盡職先為之添價以慰其意嚴比以催其完禁官弁之侵索以戢其奉公法止矣至今而法無所施矣

運一

三

再迫之則民有驅而逃耳西走慙東走奴計今未完豆尚三萬四千石不敷草尚七十五萬束主客諸兵見民間尋買甚難喂馬艱苦日費銀五六分不能飽一馬或買草不得而街頭大號相率而逃日報數次地方之物價人情即此可知職有何術能為之家輓而人留哉萬不獲已止有各軍量加糧料以償其苦撤止召買價銀以安民心倘

上台准加軍糈猶可那給折色至本色不足惟有望台慈會同計處廣為措置或於遼海兩路早為移運庶不致臨時坐誤也等因呈詳到職職惟師行以糧為急遼左自軍興以來調集及召募主客官兵不下十餘萬月支廩糧不下十五萬餘兩而各將官下召

募家丁安家布花之費不與焉東事一日早完則可省一日之轉輸東事一日未完則須講一日之儲備經畧揚方畧已定布置已周而無奈去冬雪大寒威異常是以遷延至今又川兵杳無音耗而浙兵逗遛不進援兵未齊人懷觀望誓師之期與凱旋之日職尚未敢預定職所知者有餉銀之當多備及本色草豆之當厚集而已矣今餉銀在庫七萬四百兩續到南京十五萬除密雲宣遠各留二萬廣宣留三萬到遼陽者八萬耳今之庫貯七萬有奇併主事張三傑委官傅良弼領解未到銀二十萬僅足正二兩月之用此後續差何官另解何項銀兩如各衙門那湊已盡各省加派地畝銀未到

運一

十三

戶部當早為那解接濟若待援兵脫巾而後圖之嗟濟何及至本色草豆尤宜多蓄職未出都門時已屢言於計臣且具疏入

告矣自去年十月二十九日入遼境受事無日不檄行各道上緊催運公牒私牘紛如雨下而依期早完者尚寥寥也緣去年八九月間援軍到者無多糧草猶賤各軍但顧目前之便不願領本色以致各道因循耽延至於今日完者尚未及半且有銀尚未發者矣當議買本色之時銀一分買草三束今每束價銀一分五厘矣豆一斗銀四分五厘今踊至一錢五分矣其在開原道倍為騰貴夫不上緊收買於易買之時而倉卒責完於騰貴之際雖各道皆稱賢者而事

機蹉跎大費周章職不能無尤焉經畧寓書於職有云各道奉行不力行者似視不肖猶不若五日之京兆也嗟乎經畧事權在手任事將及期年而猶云然何況職衙門原係裁減職官原係經畧帶管之官東事旦暮告竣即當卸擔經畧急圖抽身者哉但督餉大臣未蒙

允用職誼無可諉晝夜拮据憂心如焚若不及今早言後雖治職溺職之罪亦無益矣伏乞

皇上俯念進勦在邇糧餉不繼

連飭戶部多為奏解無致匱乏致生他變等因到部送司業呈到部看得自古興師餉為首務自奴酋發難調募援兵之初本部竊為目蒿心嘔蓋不患無兵

運一

五

而患無餉不獨患無折色而尤患無本色是以日日草疏日日飛檄議那借議搜括議抽扣又議覆加派蓋不啻舌敝唇禿已又一面移咨東撫嚴督道府乘賤收買以便海運又一面移文薊永二鎮召商平價廣備糧草正恐援兵四集不免驟貴也移文後又屢移催始聞登萊收積糧米十五萬餘聞薊鎮備草十四萬餘永鎮亦備草數萬業已令為議處腳價雇運出關去後今又據遼撫備言糧草缺乏之狀勢在岌岌矣除將本部那湊者急催赴遼外其允借未發者再為急催但師期已迫而坐受嫌怨弗暇顧矣為此合咨前去煩為查照先行咨內事理原議頭運後不必具題正月間即可二運三運次第舉行況山東

去秋豐熟米豆俱賤業已移咨多方廣買矣乘此天氣漸暖東南風迅速為多方發運多方催趲務要刻期到彼庶三軍有賴遲則於軍無濟則前日東撫院道苦心料理之勞俱畫餅矣是本部不獨臂指相倚尤腹心相托也近聞海防道陶副使已備有糧十五萬文到須先為一面陸續起運一面再為廣收接運再照三韓與齊魯一航之隔遼危而齊亦不安況又關係

社稷封疆安危之重乎幸各實心協助共力勤

王上緊起運先報糧米數目及起運日期到部以憑轉咨彼處撫院接受并將未完加派銀兩或以本色或以折色作速差官徑解遼東切勿遲緩以誤軍計

運一

五

等因准此擬令就行為此案仰本道官吏照依咨案內事理即將二運三運次第舉行乘此天氣漸暖東南風迅速為多方發運多方催趲務要刻期到彼庶三軍有賴遲則於軍無濟近聞該道已備有糧十五萬文到須先為一面陸續起運一面再為廣收接運先將已運未運米豆數目及起運日期并委官職名一樣三本送院以憑咨

部轉發彼處撫院接受并將未完加派銀兩或以本色或以折色作速差官徑解遼東切勿遲緩以誤軍計未便蒙此案照昨奉

軍門發下

本部咨抄到道已經備案發府遵行去後今蒙前因

擬合併行為此案仰本府官吏照依先令咨案并本道節次原行事理即將二運三運次第舉行乘此天氣漸暖速急發運務要邊餉充足三軍有賴前該本道於去冬已行登州備買糧六萬石去後今蒙前因益見昔日之預料不誣文到須為一面陸續起運一面再為廣收接運先將已運未運米豆數目及起運日期并押運委官職名一樣四本送道以憑轉報咨部轉發彼處

撫院接受并將未完加派銀兩或以本色或以折色作速差官徑解遼東均勿遲緩以誤軍需未便

一業行登萊二府

萬曆四十七年二月十二日

運一

六

欽差整飭登州海防總理海運兼管登萊兵巡屯田道山東等處提刑按察司副使陶 為仰遵

明旨酌議海運事宜懇乞

聖明俯賜採擇以安內地以重軍需事照得登萊海運議而復停停而復舉方圓並畫於一時耳目互亂於指顧當昨秋得

旨發運已在風高水逆之時當今春續運發行尚有清明前不開洋之忌中間運而不能即到及到而不得連回天時之阻隔固自有之人事之紕漏難保其盡無也登萊地在僻隅村官甚乏而又事干涉海言之若喪其元無有一人敢肩茲役者且嘔浪軍船票

賦不同亦自難強當此疆場告急之秋有一人焉奮身願往時即收之不暇矣但海運既出創行員役俱由烏合其中廉貪不一勤惰不齊未離登萊本道覺察不敢不倍加嚴切一入遼境茫隔大海耳目難及非藉

貴道之寵靈一體稽防其一應奸弊殆有不可勝言者矣除運官及唬兵船戶水手人等俱經本道嚴正規條專禁夾帶并遲回時日在登萊而誤運者本道即解赴

軍前在遼左而夾帶人貨者乞

貴道即同本屬徑治以法必罪不宥庶遼登相應如左右手而此輩亦不能為壅蔽之術以售其奸也合

運一

七

行移會為此合關

貴道煩為查照稽察施行

一關 海蓋遼陽二道

萬曆四十七年二月二十七日

七

欽差整飭登州海防總理海運兼管登萊兵巡屯田道山東等處提刑按察司副使陶 為仰遵

明旨酌議海運事宜懇乞

聖明俯賜採擇以安內地以重軍需事照得海運濟遼業有成議登糧運至蓋州套萊糧運至三掛牛各交卸山東已差有千總黃猷恩尚進等分頭接收矣但照同入倉撥發車驟必係地方為政及查

經畧部院咨文據

海蓋道詳稱置買馬騾九路收運但原文內督收轉運之官如經歷左之似通判董爾勵今俱已監軍征勒未必仍留原地則糧石到彼應令何官收卸出給倉收擬合移會為此合行移關

貴道煩請查照撥官收卸希由回示以便轉報督餉部院施行

一關

海蓋二道

萬曆四十七年三月初五日

八

山東等處提刑按察司整飭登州海防總理海運兼管登萊兵巡屯田道副使陶 為急請多餉以濟危

運一

九

邊事萬曆四十七年二月二十八日據登州府署印推官李士高萊州府署印推官段國璋會呈稱奉職憲牌抄蒙

欽差巡撫山東等處地方督理營田提督軍務都察院右副都御史李 案驗本年二月初七日准

戶部咨前事等因備蒙案仰本道即將二運三運次第舉行乘此天氣漸暖東南風迅速為多方發運多方催趲務要刻期到彼庶三軍有賴遲則於軍無濟近聞該道以備有糧十五六萬文到須先為一面陸續起運一面再為廣收接運先將已運未運米豆數目及起運日期并委官職名一樣三本送院以憑咨部轉發彼處撫院接受并將未完加派銀兩或以本

色或以折色作速差官徑解遼東均勿遲緩以誤軍計蒙此又准布政司照會抄蒙

督撫軍門李 案驗准

戶部咨同前事備會到道准此本月二十七日又蒙本院案驗為備買兵馬料草以濟急用事准

戶部咨前事仰道即行府州縣速備草束當隨米運設法兼行或船或筏相機為之如那用脚價銀兩准作部額申報兌補賢才經濟正在此時展布況目前援軍窘乏萬一不接則該道前功盡棄且致誤軍興可不凜凜仍將運過草束數目及運官職名起行日期作速報院以憑咨復本日又蒙

運一

九

明旨酌議海運事宜懇乞

聖明俯賜采擇以安內地以重軍需事准

欽差經畧遼東等處軍務都察院右都御史兼兵部左侍郎楊 咨據海蓋道康副使呈前事內稱再乞本院移咨東省撫院行令該道嚴督押運委官毋復稽延毋滋舊弊其原議某處交卸者直至某處其於大兵之急需庶有濟乎等因仰道即便嚴督押運委官依期速運務照原議地方交卸以濟急需等因蒙此俱經遵行在卷職等謹會看得臣子委質於君肢體髮膚非所敢愛况

國家多事征調轉輸敢云推諉但聞催檄頻下人心驚惶職等代庖守土不敢不言登萊海運遼糧取之

遼鎮銀兩奉有

部文此外並無別項取給除四十六年登州府運過糧米一萬三千三百七十三石一斗三升折銀六千六百九十二兩九錢一分一毫解過銀一萬三百五十二兩五錢八分九釐九毫萊州府因奉文停止海運解過銀二萬四千五百五兩四分六厘六毫七忽一微八纖七塵俱取有批收在卷則四十六年兩府之為遼者事畢矣四十七年登州府徵得四十六遼鎮銀一萬七千四十五兩五錢四分應運米豆二萬七千九百四十三石五斗一升四合六勺萊州府徵得四十六年遼鎮銀二萬四千五百五兩四分六厘六毫七忽一微八纖七塵應運米豆三萬六千八百

運一

子

石二斗五升見在發裝開洋而四十七年兩府之為遼者事又畢矣又因船隻缺乏積糧無船差登州衛百戶陳安國登州府照磨鄭士彥萊州衛經歷劉一進及把哨聽用等官周評傳與寧魏雲龍周謨葛惟功等通共領過雇價銀一萬九百一兩七錢四分又因去年九月往淮安雇船至今尚未見到且因蓋州套須用遼船又發銀三千兩委文登縣主簿徐弘諫往淮揚等處打造遼船二十隻以上銀兩俱係借動京邊錢糧並本地緊急兵餉暫應一時仍候四十八年遼銀補還者今復蒙

明文加派地畝銀兩留登萊道廣收米豆接濟軍前但前銀已經上年登州府於十二月二十五日批差

主簿湯樹績解銀六千兩萊州府於十二月十九日差縣丞劉珽解銀五千兩本年正月二十日奉

部文嚴提登州府又於本月二十五日差主簿魏朝臣那解銀一萬兩萊州府於正月二十八日差主簿周玉振解銀六千兩又萊州府於上年八月二十三日差吏目袁應科解過奉文抽扣各役工食銀一千二百七十二兩抵作新餉之數在登州府止餘未解銀三千七百六十九兩二錢三分五厘八毫八忽零在萊州府止餘未解銀九千三百四十二兩三錢四厘五毫四絲零見在糴買黃黑二豆惟是民困未舒催科煩擾大糧方完即徵遼鎮遼鎮未已又催加派無論民脂已竭負載而輸納者踵已欲穿肩不得息

運一

主

而雇募淮船憚於風波尚無至者今奉

憲檄坐取十五六萬之外猶責廣收夫登萊地濱海濫幅員不過五百餘里砂磧滿目荏葦連天以天下較則九牛之一毛也以東省較則晦月之殘形也自有東事以來調兵一千五百名援守寬奠等處其安家行糧官丁廩餉雇募水手動費六千九百七十餘兩雖奉有

明旨商稅補還猶屬畫餅上年登府運米一萬三千三百七十餘石止費過正銀六千六百九十二兩九錢一分一毫而折損賠補廩給諸費不下數百金新運米豆事雖就緒而借出雇價水價等費均係借支如徐主簿領過銀三千兩鄭照磨雇船領過二千兩

周謨魏雲龍等共領過銀九百餘兩俱未有著落新加地畝解過銀二萬八千二百七十二兩雖有一萬三千餘兩一時徵解不完外抽扣工食解銀二千三百六十八兩三錢七分四厘一毫搜括無礙解銀九十兩八錢三分夫彈丸之地所出有幾若復催廣收接濟其取之民間則困倉竭矣其借之庫藏則搜刮盡矣天不雨粟而雨金人不能神輸而鬼運其將奈之何哉夫奴酋犯順登州勤王獨力徵兵則先期而往運餉則飛輓而供加派則竭趨而至苟有絲粟可以佐遠左之急者靡不捐其髮膚即遠左之自為當不過此矣乃輸輓則每見嗟於後時風阻則懸指為弊竇登萊獨任其勞而獨當其困謂之何哉夫普天

道一

三

皆王土也率土皆王臣也當東省大災之際淮安船隻載糧而覓利不下百艘昔年運糧朝鮮取給淮船若其空船而來可運登米若載糧而來可實遠東亦一策也又查昔年濟南大饑樂陵利津等處商船糴米登萊由海而販賣者啣尾而進征倭事例運糧取之沿海州縣不獨責之登萊也柰何今日之事獨以登萊任之其或軍興不貲責之青濟協運亦一策也徵運遠糧本道再三嚴諭聽從民便惟呼輸納敢謂殃民但勞而不怨不若不勞之怨其事易見也獨力之難任衆擎之易舉其事判然也今以運則無船以糴則無本若夫廣收接濟必借之起運存留即各官之考成不辭而民之輸納不已必致騰貴騰貴不

已勢必竭澤恐囂然喪樂生之心一遇甲寅己卯之荒民復為相食之民矣且見近日震鄰之恐民又將為安丘之民外患固所當防蕭牆亦所當念而不得不言者也伏乞轉詳等因到道該本道看得海運一事乃遠左之所籌之不便而特疏報罷者也蓋州套乃從前之所未及乃職因去歲頭運已發而遠左報停勢不獲已故創開此議

戶部據以

題請者也自職開之自職墮之似無是理而海上之風濤難測到套之船隻稽遲雖天時之不善實職見事之不早敢曰非罪哉而遠左動稱毋滋舊弊而職又督催不已宜兩府之有此申請也查自職受事以

道一

三

來遠銀之應解而解過者凡三萬六千一百二十九兩六錢三分六釐五毫七忽一微八纖七塵遠餉之允運而運過者凡一萬三千三百七十三石一斗三升而登萊兩府之原額遠鎮銀無欠也又奉

憲檄准

部咨責令新加遠銀或運或解陸續濟遠兩府額該銀四萬一千三百八十三兩五錢四分三毫五絲三忽五微七纖七沙五塵隨即借解過銀二萬八千二百七十七兩餘下銀一萬三千一百一十一兩五錢四分三毫五絲三忽五微七纖七沙五塵見在徵收本色遠糧除扣腳價外該徵米二萬七百二十石四斗三升二合一勺三抄七撮二圭七粒六粟而登萊兩

府之新加遠鎮銀無欠也以視派而未徵徵而未解者似有間矣獨是海運之遲速全憑天時之順逆逆風而行雖神禹不能也而運之多全在船隻之集無船而責運雖蕭何不能也是以征倭之年海運船隻盡取之淮上兼之以太倉崇明遼海等處而山東之船什不得一焉於是海運何等海運也是實實舉行之海運也是詢謀僉同之海運也以故人員無所不備舟楫無所不具提調無所不應錢糧無所不裕今何如乎應解之遠銀止該四萬一千五百五十兩五錢九分五毫七忽一微八纖七塵除扣腳價各費外止該運八萬五千六百餘石而職之聚糧已有一十五萬有奇視原額不啻倍之矣登萊素無船隻而之

運一

三五

多方設處已有二百五十八隻矣夫此二百五十八隻者非昨年議運時所為聞風逃遁者耶職受事而招集粗安隨又議停而望風解散矣職聞命而又多方收拾沿洄上下周流八方近者蒲臺濱州塘頭寨等處不能滿五十隻而泊入職境海路迂迴且二千餘里加以守風守凍之時日非一月不到也遠者天津安東日照等處不能滿三十隻而泊入職境海路迂迴且三千餘里而加以守風守凍之時日非五十餘日不能到也而船皆窄小不能多載即得十船不能比淮船一隻之用而去年運否之間尚候鼻息於遠左自今年二月有

遠東撫院周 急請多餉一疏而望海運於登萊者

其意始堅以兼言草豆而職極言草束輕浮航海招風且計數金之草須用數十金水脚之費登萊產豆有限去年收糴止照征倭例二八兼收今驟來取盈勢不能得具載前詳業蒙

本院移咨彼中已經洞知運草之必不可行及豆之不能及米矣然而職亦不待臨事而後計也自昨秋頭運發行之後職已知今年遠左大兵雲集需糧正殷蹂躪之餘農業必廢今春須運所不待言昨秋稟揭見在

本院臺端可覆而按也見今淮上雇船自去年九月至今尚無至者夫登萊轉運望船有如大旱望雨船不見至而彈慮持籌故從權便又密遣謹畏員役費

運一

三五

銀躡赴西府塘頭濱樂等處一帶海口遇船即雇船到即裝前月僅得六十一隻已裝蓬萊福山寧海三處米豆一萬三千三百六十石矣今日又得六隻裝過即墨縣豆一千一百石矣俱已發出海北廟島八角等島守候順風始獲東渡得船之難未可描畫較之征倭之海運何如哉至於開洋之後其中濡滯又自有由似難以遲速為功罪者蓋征倭海運自西南運至東南春夏固可安行秋冬亦皆風便然自登萊出洋至彌串堡至義州錦州隨路交卸一年運米止一十六萬石而征調船隻幾遍天下且收受者朝鮮也以屬國領

天朝之頒賜應接惟恐不恪以陪臣收